

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Iesus osculo est traditus Art. & Homilia.

[urn:nbn:de:hbz:466:1-47113](https://nbn-resolving.de/urn/resolver.pl?urn=urn:nbn:de:hbz:466:1-47113)

diu enim hæc nobis sunt propria, quam diu nostra sunt, non sunt communia
Deo neque proximis, quæ sunt solum quæ sua sunt, non quæ multorum, non
quæ sunt Dei. Voluntas igitur propria, quam statuere conamur vel contra
Deum, vel sine Deo, est quæ nobis nocet. Reliqua omnia, tametsi vniuersus ar-
maretur mundus, non queunt nobis nocere. Habeamus igitur cor rectum, ha-
beamus voluntatem diuinæ voluntati conformem, & nihil formidemus.
Eam ob rem præcipue vigilandum est super custodia cordis, pro reformatio-
ne & perseverantia bona voluntatis. Semper pugnandum est contra peccata,
semper tolerandæ aduersa. Recedente enim vna tentatione, mox sequitur a-
lia. Nunquam igitur nobis pax est, nisi ea, quam habemus in Deo & cum Deo,
qua discamus in pace esse, in pace vivere, in pace denique quietescere, idquæ tunc & cum Deo
maxime, quum etiam foris, aut intus in pressura sumus. Nonne Christus hoc sit habenda.
dixit: In mundo pressuram habebitis, sed confidite, ego vici mundum. Hæc loquutus
sum vobis, ut in me pacem habeatis. Si pax foret, non sentire aduersa, nec Christus
nec eius sancti pacem habuissent. Nemo enim illorum fuit, qui nullas conu-
mellias, nullas derisiones, nullas contradictiones, nullas inimicitias hic susti-
nuerit. Sustineamus igitur nos quoque, atque ultra nos offeramus ad patien-
tia aduersa. Secundò, Christus suo nos exemplo docuit, nobis ut rigidi & in-
clementes simus, proximis vero clementes & benigni. Nos in aduersitatibus
Christo nos offeramus, à proximis vero ybicumque possumus aduersa amo-
neamus, ne simus de illorum numero qui alijs alligant onera grauia, uno ta-
men digitorum suorum nolentes eadem portare. Matt. 23.

Pax vti semi-
per in Deo
& cum Deo
loan. 16.

IESUS OSCULO EST TRADITVS Artic. IX.

ET appropinquauit autem Iudas Iesu, ut oscularetur eum. Matth. 26.
Et cum venisset, statim accedens ad eum, ait: Ave Rabbi. Mare. 14.
Dixitque illi Iesus: Amice, ad quid venisti? Et osculatus Lucae 22.
est eum. Iesus autem dixit illi: Iuda osculo filium homi-
nis tradis? loan. 18.

HOMILIA IX.

Nequæ armati hostes, neque traditor in Dominum aliquid potuerunt,
nisi accepta prius à Domino licentia, quam dederat iam dicens: Si ergo loan. 18.
me queritis, finite hos abire. Post hæc igitur verba confessim accedens
Iudas, osculatus est Christum, dicens: Ave Rabbi. Erat enim consuetudo Chri-
sto, discipulos quoquæ si absuerant, osculo suscipere.

Vide autem in hoc nequam perfidiam & cæritatem. Tanto tempore cum Christo
ambulauerat, signa eius multa viderat, audierat eum cordium arcana co-
gnoscere; nihil tamen propterea credit in Christum, quem suam putat latere
simulationem ac fraudem. Considera iterum quam dolorosa Christo fuerit Traditio Iu-
hæc traditio: primò, quod à discipulo siebat. Inde enim grauius exhonora-
batur Dominus Iesus, cor quoque eius profundius fauciabantur, dolens pro-
pter discipulum. Secundò grauiabatur, quia hæc à dilecto, eoque apostolo &
honorato, facta est. Propterea in Psalmo Dominus de eo loquitur: Quoniam
si ini-

Psalm. 54. *Si inimicus meus maledixisset mihi, sustinuisse vtiique. Et si is qui oderat me, super me magis a locutus fuisset, abscondisse me forsan ab eo. Tu vero homo vnanus, dux meus & notus meus. Qui simul dulces mecum capiebas cibos, &c. Tertio dolorem auxit, quod sub fraudulento signo pacis, & sub simulaclae fiebat amicitiae signum, quo simul Christo vehementer illuditur, eiusq; contemnitur sapientia. Nam quasi nescientem Christum, aut quid moliretur non intelligentem, credebat se fallere. Non igitur solum tradebat Christum, sed illum quoque despiciebat, imo negabat. Nam si vere eum, qui est, Dei filium & Christum credidissent, sciret proculdubio quod illum nihil coelare potuisset. Ut vili igitur ac ignavo homini Christo imponere voluit Iudas, ac tanquam magum decipere, dum pessimum agendo hostem, simularer amicum. Quartio, quod a foetido ore huius perfidi proditoris osculum recepit. Multo enim grauior Christo intolerabilior ipso erat fœtor oris illius, cuius cor diabolus iam malitia oppleuerat, quam eius qui putentem alteri cuipiam hominum anhelitum oris porrigit. Considera tertio, quam benigne se Dominus ad osculum Iesu quanta suscipiendum inclinat, osculumq; eidem (vt creditur) præberet, se osculant, dicens: *Amice ad quid venisti?* Solet haec dictio in sacra scriptura saepenumero ironice in malam accipi partem, vt ibi: *Amice, quomodo hue intrasti, non habens vestem nuptiale?* Et alibi: *Amice, non facio tibi iniuriam.* Et hic: *Amice ad quid venisti?* Amicum tamen non nominat, quo se, si penitente voluerit, paratum ad recipiendum illum ostendat. Ad quid venisti? Oscularis, & sub amicitiae signo tu insidiaris vitæ meæ. Veruntamen ne me falli putas Iuda, osculo filium hominis tradis. Scio quid agis, non mihi obscurum est quod versatur in corde tuo. Veruntamen fili mi reuertere ad penitentiam, & recipiam te: nec peccati tui recordabor amplius, sed sanguine te etiam meo lauabo, quem tu vendidisti.*

Inimicos nostros vti Christi exemplo diligamus, eisq; bona pro malis referamus.

A Vdita mansuetudine tanta Domini saluatoris, piissimi Iesu, magni Domini, creatoris mundi, super nequissimo traditore suo, quis no emolliatur pietate in corde suo erga suum (si quem habet) inimicum? Quis posthac auerabitur suum proximum? Quis te laetit frater magis, quam laetus à Iuda est Christus? Indulxit ille, ignoruit, ad osculum recepit, benigne allocutus est, peccatum illius non exprobrauit: sed quod occultum putauerat, se non latere ipse manifestauit: atque ad penitentiam, ad gratiam, ad veram inuitauit reformandam amicitiam. Hæc sunt quæ Christus te docuit. Eius igitur amore, eius exemplo, in tuo proximo, si fortasse inimicus fuerit, tu quoque ipsum imitate. Magis stude inimicum tuum verborum lenitate officiōtq; charitatis, quam verbis pungitiuis placare. Dissimulando iniuriam ac obliuiscendo, ipsum tibi curato reconciliare, non aut verborum asperitate, aut retributione malorum, ad maiorem amaritudinem exasperare. Ibi enim illum lucraris, & teseras. Hic utrumque perdis. Magna nobis est (si recte attendimus) ignominia, quod nos aduersus eos, vel qui nobis non arrident, vel qui toruo apiciunt vultu, aut verbulo aliquo offendunt, ira ita excadescimus, ut vix valeat nos quis reconciliare. Quid enim faceremus, si nos proditorem quem

Inimicos
nostros vti
exemplo
Christi pla-
care debea-
mus.